



REPUBLIKA E SHQIPËRISË
BASHKIA PATOS
DREJTORIA E PROJEKTEVE DHE EMERGJENCIVE CIVILE

Nr. 1465 Prot.

Patos më, 15/05/2025

MIRATOHET
KRYETARI
Fation Duro

PROJEKT-VENDIM

Nr. 21, datë 15.05.2025

**PËR MIRATIMIN E BLERJES SË NJË MJETI TRAKTOR DHE FREZË PËR
PASTRIMIN E KANALEVE KULLUESE NË TERRITORIN E BASHKISË PATOS**

Në mbështetje ligjit nr. 139/2015 “Për vetëqeverisjen vendore” i ndryshuar, ligjit 68/2017, datë 27.04.2017 “Për Financat e Vetëqeverisjes Vendore”, ligjit nr. 45/2019 “Për mbrojtjen Civile”, VKM nr. 127, datë 28.02.2025 “Miratimin e projekteve fituese të financuara për vitin 2025 nga fondi për parandalimin dhe menaxhimin e fatkeqësive natyrore, si dhe të Autoritetit Kontraktor për zbatimin e projekteve, sipas Njësive të Vetëqeverisjes vendore”, thirrjes “Blerjen e automjeteve për përdorim të veçantë, makina teknologjike dhe mjeteve rrugore të veçanta të përcaktuara si të tilla, sipas parashikimeve të kodit rrugor të Republikës së Shqipërisë të cilat përdoren për përballimin e situatave emergjente të krijuara si pasojë e fatkeqësive natyrore” datë 23.10.2024, aplikimit për financim nëpërmjet shkresës nr. 4207/1 prot., datë 20.11.2024, Ekipi i programit të menaxhimit për të vazhduar me procedurat e mëtejshme,

KËRKON:

1. Miratimin e blerjes së mjetit traktor dhe frezë për pastrimin e kanaleve kulluese me vlerë 12,000,000 (dymbëdhjetë milion) lekë e cila do të financohet nga AKMC.

EKIPI I PROGRAMIT TË MENAXHIMIT

Të Mbrojtjes nga Zjarri dhe shpëtimit dhe Mbrojtjes Civile

Drejtues të Programit

Ermenita **MICI**

Alket **HALIMI**

ANËTARËT

Arben **SHPËRDHEJA**

Arlind **RUSTO**

Florian **TORO**

JURISTE

Nurkë **HAZIJAJ**



REPUBLIKA E SHQIPËRISË
BASHKIA PATOS

Nr. 1465 Prot.

Patos më, 15/05/2025

RELACION PËR PROJEKT-VENDIM

**PËR MIRATIMIN E BLERJES SË NJË MJETI TRAKTOR DHE FREZË PËR
PASTRIMIN E KANALEVE KULLUESE NË TERRITORIN E BASHKISË
PATOS**

Bashkia Patos përballet me një problem të vazhdueshëm të pastrimit dhe mirëmbajtjes së kanaleve kulluese, që shërbejnë për menaxhimin e ujit në zonat bujqësore. Kanalet e bllokuara ose të papastruara çojnë në grumbullimin e ujit në toka, i cili shkakton përmytje dhe dëmtim të kulturave bujqësore, duke ulur produktivitetin e fermerëve dhe duke rritur kostot operationale. Aktualisht, pastrimi i kanaleve bëhet manualisht dhe mjetet në dispozicion janë të pakta në numër dhe nuk mund të mbulojnë nevojat për pastrim për të gjitha zonat.

Gjatë periudhës 2017-2023 është ndërhyrë në pastrimin e kanaleve kullues të II dhe të III. Megjithatë është punuar vazhdimisht në mirëmbajtjen e tyre, mbetet problem serioz rritja e shpejtë e vegjetacionit si ferrat dhe kallamat duke sjellë problematika të ndryshme të fermerët për zhvillimin e bujqësisë.

Për shkak të problematikave të përmendura, lindi nevoja për një investim të ri, i cili ka për qëllim të sigurojë një traktor dhe një frezë të specializuar, që do të përdoren për pastrimin dhe mirëmbajtjen e kanaleve kulluese. Për këtë, Bashkia Patos ka aplikuar për financim pranë Agjencisë Kombëtare të Mbrojtjes Civile për “**Blerje të një mjeti traktor dhe frezë për pastrimin e kanaleve kulluese në territorin e bashkisë Patos**” në kuadër të thirrjes së hapur për të gjitha njësitë e qeverisjes vendore, për “Blerjen e automjeteve për përdorim të veçantë, makina teknologjike dhe mjeteve rrugore të veçanta të përcaktuara si të tilla, sipas parashikimeve të kodit rrugor të Republikës së Shqipërisë të cilat përdoren për përballimin e situatave emergjente të krijuara si pasojë e fatkeqësive natyrore”. Nga ky proces, Bashkia Patos ka arritur të sigurojë mbështetjen e AKMC për financimin e blerjes së këtij mjeti me vlerë 12,000,000 lekë.

Ky investim pritet të përmirësojë ndjeshëm menaxhimin e ujërave, të parandalojë përmytjet dhe do të rrisë produktivitetin e tokës, duke ndihmuar fermerët të zhvillojnë një bujqësi të qëndrueshme dhe konkurruese.

Duke pasur parasysh sfidat e paraqitura, ndërhyrja e vazhdueshme me mjete dhe pajisje për këtë lloj mirëmbajtje do të ketë impakt shumë të mirë në kullimin e shpejtë të tokave bujqësore në fshatrat e Njësisë Administrative Zharrëz si dhe zonën fushore të bashkisë Patos. Përdorimi i këtij mjeti për pastrimin e vegjetacionit do të ndihmojë në sigurimin e funksionimit të qëndrueshëm dhe efikas të sistemeve kulluese, duke përmirësuar ndjeshëm kullimin e tokave bujqësore dhe duke kontribuar në mirëqenien e komunitetit. Kjo do të reduktojë nevojën për ndërhyrje manuale dhe do të përshpejtojë procesin e mirëmbajtjes.

Aktualisht në territorin e Bashkisë Patos, në disa zona ku bujqësia është prioritet dhe e vetmja mënyrë që shumë banorë (fermerë) kryesisht në Njësitë Administrative të sigurojnë të ardhurat e tyre dhe të familjes së tyre, Bashkia e ka të pamundur që nëpërmjet mjeteve që ka në dispozicion të mund të pastrojë dhe mirëmbajmë gjithë kanalet kullues në territorin tonë. Investimi për blerjen e një traktori dhe një freze të specializuar për pastrimin dhe mirëmbajtjen e kanaleve kullues në Bashkinë Patos është një hap kyç në adresimin e sfidave që ka zona lidhur me menaxhimin e ujit dhe mbrojtjen e tokave bujqësore.

Nisur nga sa më sipër, i kërkojmë Këshillit të Bashkisë:

1. Miratimin e blerjes së mjetit traktor dhe frezë për pastrimin e kanaleve kulluese me vlerë 12,000,000 (dymbëdhjetë milion) lekë e cila do të financohet nga AKMC.
2. Për ndjekjen e zbatimin e projekt vendimit ngarkohet Drejtoria e Projekteve dhe Emergjencave Civile, Drejtoria e Financës.

EKIPI I PROGRAMIT TË MENAXHIMIT

Të Mbrojtjes nga Zjarri dhe shpëtimit dhe Mbrojtjes Civile

Drejtues të Programit

Ermenita **MICI**

Alket **HALIMI**

ANËTARËT

Arben **SHPËRDHEJA**

Arlind **RUSTO**

Florian **TORO**

KRYETARI

Fation Duro

